

16, 12.



61 1834 8

Ad
INVECTIVAS

in,

XPISTOMAXOYC

Die III. Ianuarii M DCLXXIIX.

Hora locoque consuetis
audiendas,

*Qua par est obseruantia & humanitate,
inuitat*

M. CHRISTOPHORVS CELLARIVS,
Scholæ Episc. Rector.

C I Z Æ,
Typis FRIDEMANNI HETSTEDII.

h.



חַמְסָה וְלֹא מִשְׁמַיִם
וְאֵלֶיךָ חֲזָרָה מִלְּפָנֶיךָ:



Ætatur cœlum, lætatur terra, & omnis Christianorum orbis in lætiti-
am effunditur, cum DEVM de cœlo
descendere, & humana carne vestiri,
atq; sic salutem afferre παντι τῷ λαῶ, hoc
est, Syro interpretante, **לְכָל עוֹלָם** *uniuer-*
so mundo, Luc. II. IO. anniuersariis sacris cogitat.
Soli Judæi ex omnibus gentibus sunt, qui, diuinis
quanquam oraculis instructi, tamen dum hoc
audiunt, nostrasque solennitates vident, fremere
atque frendere, & impio ore blasphemias eru-
ctare nunquam desistunt. Alium enim quemuis
nebulonem pro Messia recipere malunt, quam
nostrum IESVM NAZARENVM DEI Filium
fateri, suumque liberatorem. Vidimus nuper,
cum nostri de *euerfione Hierosolymorum* declama-
rent, quo impudentiæ gens impia Traiani & A-
driani tempore processerit, vt *BarCoziba* quen-
dam sibi regem atque Messiam constitueret, co-
que duce incredibilem cladem Christianis & Ro-
manis vbiq; terrarum afferret. Ex Sepher Iucha-
fin, & ex Schalshethe Hakkabbala produxi illo
tempore, quibus tragœdiam impostoris Ben-

)(2

Cozba,



Cozba, aut quocunque alio nomine vocant,
 confirmabam: sed tum charta exclusus, tum præ-
 fertim chronologico libro R. Ganz, quem *Zemach*
David vocat, destitutus persequi materiam illam
 prohibebar. Multum enim spei habebam, me in-
 venturum in illa Chronologia esse, quod alii Iu-
 dæi negarint: siquidem Rabbi ille interdum
 candidus est & ingenuus, quod vel ex sola CHRI-
 STI nostri patria apparet, quam alii invidia
 celant, ipse vero Parte II. ad annum Millena-
 rii quarti DCC LXI. his verbis declarat,
 ישוע נוצר בולד ובבית לחם יהודה פרשה ומחצת
 מירושלים בשנת ג אלפים וחששם ליצירה והיא שנת מ' מב' אנוסטי
 id est: *Ieschua Nazarenus natus est in Bethlehem Ie-*
huda, sesquimilliaro ab Ierusalem, anno 3761. ab orbe
condito: qui fuit annus XLII. Cesaris Augusti. Etiam
 illud nobis gratum est, quod hic Iudæus fere so-
 lus Christianorum Messiam ישוע *Ieschua* cum lite-
 ra ך scribit atque sic *Saluatorem* appellat, cum ce-
 teri omnes ך demto ישו *Ieschu* vel *Iischu* & scri-
 bant & pronuncient. Rationem mysterii impii
 R. Elias in Thischbi p. 42. hanc reuelat,
 לפי שהיהודים אינם מודים שהוא היה המשיעו לפיכך אינם
 רוצים לקראו ישוע והפילו העין וקורין לו ישו
quia Iudæi non con-
cedunt, quod ille fuerit Saluator, ideo nolunt ipsum
vocare Ieschua, sed abiecto Ain Ieschu. In hoc ita-
 que

que libro Zemach David, quem diu desideratum
nunc demum Pragensis Iudæus misit, Parte 1.
pag. 41. A. vtramque calamitatem, & quam rebel-
les Iudæi Romanis, & quam Romani ultores Ju-
dæis attulerunt, non minus graphice, quam in
Xiphilini aut Eusebii monumentis, descriptam
inuenio. In Africa enim, in primis Alexandria,
Ægyptia metropoli, occisum a Iudæis tradit
עם גדול ורב כחול אשר על שפת הים אשר לא יספר
*populum tanta multitudinis, quanta est arena in lito-
re maris, quæ numerari nequeat.* Nec suorum
cladem, vt multi faciunt, subticet hic Iudæus,
sed genti suæ plus damni ait allatum a Traia-
no Adrianoque, quam a Nebusar Adon, aut
Tito Cæsare, Hierosolymorum euerforibus.
Nam circa solam regiam BarCozbæ urbem,
Bittera, ארבע פחות רבוי *quadringentas myriades,* vel
decies centena millia Iudæorum cæsa esse Tal-
mudistarum suffragio comprobat, nec deesse
dicit, qui maximum hunc numerum incredibili
accessione auctum cant, ex quo cladis magni-
tudo abundantissime intelligi potest. Si cau-
sam quæris calamitatis tantæ, tergiuersantur
plerumque Apellæ, nec fateri facile solent,
suo se iumento tantum malorum funestam-
que cladem aduexisse. Fabulas enim & nugas
affe-

afferunt Talmudistæ, indignas, quæ huc transferantur. Expresit illas & latinitate donauit JOHANNES LIGHTFOOT, Anglorum facile doctissimus, in Chorographia Matthæi cap. LII. quo cupidos fabularum & nugamentorum ablegatos volumus. Plus candoris iterum *audor Zemach David* præ se tulit, veram belli causam hanc recensens, בן כוזבא הנקרא בר כוכבא מרד ברומיים ועשה עצמו משיח
Ben Coziba, qui etiam Bar Cochba dicitur, rebellauit contra Romanos, & fecit se ipsum Mesiam. Tanta vero clade affecti ab impuro nebulone turpissimeque elusia mendacii filio, tamen honorificam eius mentionem faciunt, & hoc ipso significant, se nequam etiam homines non parui facere, a quibus in libertatem restitui posse confidunt. R. Lipman Mulhusinus, in Nizachon num. 132. vt probet, non ita sceptrum a Iuda ablatum fuisse Mesia nostri seu Nazarenit tempore, quin subinde redierit ad illam gentem; hunc ipsum Bar Coziba allegat, qui לאחר החרבן מלך בביתר *post deuastationem Titi regnauerit in Be Thar, seu Bittere, neque hic solus, sed etiam, si diis placet, בנובן בנו filius eius, atque nepos, per successionem.* Illud etiam, quod ipsi Iudei euentu edocti hunc impostorem pro *Stella filio*, communi suffragio בר כוזבא vel בן כוזבא *mendacii filium* appellarunt, male quosdam

dam superiore tempore habuit, ex quibus au-
tor libri Iuchasin pag. 35. B. contendit, cogno-
mentum hoc non mali euentus significationem,
sed שמ מרינר nomen prouinciae esse, & patriam Ben-
Cochbæ declarare, quasi vero Ebraei gentilitia
nomina per בן vel בר, & prouinciae vocabulū de-
scribere in vsu habeant. Vides sic, quo mala cau-
sa impudentissimos homines deduxerit. Digni
itaque sunt, in quos Christiana pietas inuehatur,
& diuinos Saluatoris nostri honores contra impi-
am gentem defendat. Cum autem non soli sint
Iudæi, qui Deitatem Mesiae nostri oppugnatum
eant, sed alii pene multi se se his associant; puta-
uimus facturos nostros esse, quod pietatis & of-
ficii est, si in præcipuos *ἑριστομάχους*, (omnibus enim
bellum facere quanti temporis & laboris erit?)
suum stilum, quamuis minus exercitatum, strin-
gant atque exercendo cultiorem efficiant. Pro-
inde ita partes distribuimus, vt

OTTO FRIDERICVS Hanssman/

Numburgensis,

in se proloquium suscipiat, & diuersa hostium
Saluatoris genera strictim enumeret:

IOH. HERMAN Albrecht vero, isque Has-
so-Rauschenbergensis, omnes ingenii vires in Iu-
dæis, antiquissimis nominis Christiani hostibus,
pro-

profligandis & loco mouendis collocet. Nec mi-
nus curauimus *Arianos*, hostium facile callidissi-
mos, ab

HENRICO Gerlach / Thuringo-
Apoldensi,

sancta prudentia ex insidiis in apertos campos
deturbari, diuinisque armis configi atque exscin-
di. Quibus cum pares impietate sint *Nestoriani*,
hos

IOH. FRIDERICVS FLAXIVS,
Cizensis,

aggredietur, & quo castris expellere, inq; fugam
conuertere possit, pro viribus & ingenio operam
dabit. Tandem qui ordines duxerat, denuo in
arenam descendet, & Carmine in laudes Christi
Redemptoris nostri composito bellum hocce pium
pariter atque Scholasticum componet.

Musarum ergo patronos atque amicos, & qui-
buscunque commodum erit has sacras, & pro
honore CHRISTI REDEMPTORIS no-
stri compositas meditationes audire, etiam atque
etiam rogo, vt crastino die hora II. Scholastico
exercitio interesse ne dedignentur. Oratores
nouellos non ingratos habebunt, neque parentes
eorum, qui adsunt, immemores, quod de *Viro*
maxime Reuerendo polliceor, inque me recipio.
PP, Cizæ, II. Ianuarii M DC LXXVIII.


Nr 3165,


80

1007

1007







1834 8

TIVAS

AXOYC
DC LXXIIX.
confuetis

a & humanitate,

VS CELLARIVS,
Rector.

HETSTEDIJ.

h.

